

Altzairu Berezien euskal taldea ez da oraingoz aurrera aterako

Sektore honetan birmoldaketa orokorrik ez dela izango ziurtatu zuten euskal ordezkariak

Gasteiz eta Madrileko gobernuetako ordezkariak astearte gauean egin zuten bileran, EAEko industriari buruzko «negoiazio prozesu koordinatua» hastea erabaki zuten. Madrilek ez du onartu Jaurilaritzaren altzairu berezien plangintza, sektoreko neurriak baztertu bait ditu. Dena den, bi gobernuen planteamenduetan «puntu amankomunak» daudela azaldu zuen Azuak, eta dena «eztabaidagai» dela gaineratu.

M.A. / BILBO

«Alternatiba eta iritzi ezberdinak eztabaidatzeko borondatea badago, plangintza ezberdinetan aldaketak egitea ere posible izango da» adierazi zuen atzo Jon Azua EAEko lehendakariorde eta Industria sailburuak, Madrileko Industria eta Ekonomia ministroekin egindako bileraren biharamonean.

Bere esanetan, «Acenor eta gainontzeko euskal altzairu berezien enpresentzako irtenbide negoziatua lortu nahi dugu eta zentzu honetan sindikatu eta enpresa pribatuek ere hartu beharko lukete parte».

Claudio Aranzadi Espainiako Industria ministroa, Carlos Soltxaga Ekonomia ministroa eta Jon Azua Gasteizko Gobernuako ordezkariarekin batera, Ramon Jauregi PSE-



Madrileko Administrazioako ordezkariarekin izandako elkarrizketaren berri eman zuten Arzalluz eta Azuak. JOSE SIMAL

PSOeko idazkari nagusiak eta Xabier Arzalluz EAJren EBBko lehendakariak hartu zuten parte bost ordu iraun zuen astearteko afari bileran. Bertan, gobernu bakoitzeko ordezkariak altzairu berezien sektoreari buruzko analisiak eta planteamenduetan mahairatu zituzten.

Arzalluz eta Azuak argitu zutenenez, Madrilek ez dauka epe laburrean EAE inbertsiorik egiteko proiekturik.

«AZKEN SIDERURGI BIRMOLDAKETA»

Siderurgiaren gaia datozen bileretan aztertze-

ko utzi zuten agintariak, «AHVri buruzko erabakirik ez bait da sei hilabete barrura arte hartuko» Azuak ziurtatu zuenez. Oraindik AHV barneratzen duen Siderurgia Integralaren Holdingak ez du enpresari buruzko plangintza prestatu.

Industria sailburuaren iritziz, «sei hilabete barru hartuko den erabakia ez da lauzpabost urte pasa arte indarrean jarriko. Erabaki hau Europako azken siderurgi birmoldaketa edo eguneratzea izango da eta hau abantaila izango da guretzat».

EAJko EBBko lehendakariak adierazi zuenez, «Kantauriko Kor-

nisa» kontzeptu geografikoa besterik ez da, «egoera ezberdina bizi bait dugu EAEan edo Asturiasen».

Arzalluzen iritziz, «Asturiaseko ikatzak ez du irtenbiderik eta altzairu berezien sektoreak edo siderurgiak bai». Azuak gaineratu zuenez, «EAEk kanpoko kapitalak bereganatzeko aukera gehiago ditu azpiegiturengatik».

Era berean, «biolentziagatik kanpoko inbertsio garrantzitsu bat EAEra ez etortzeko arriskuan» dagoela azaldu zuen lehendakariordeak, baina gaia ez dagoela oraindik zehaztuta adierazi zuen jarraian.

Madril eta Gasteizen arteko «planteamendu amankomunak»

M.A. / BILBO

Aranzadi Industria ministro espainiarra altzairu berezien arazoa konpontzeko «sektore mailako neurrien» aurka dagoela azpimarratu zuen berriro ere atzokoan. Bere iritziz, «enpresa bakoitzaren arazoak aztertu behar dira».

Zentzu honetan, Gasteizko Gobernuaren planteamendua guztiz ezberdina da, «Novanor» izena eman zaion euskal altzairu berezien enpresa taldea eratzea proposatzen bait du, hau da, sektore mailako neurria. Azuaren ustez, «ez da nahikoa Sidenorren arazoari bakarrik heltzea, nahiz eta altzairu berezien % 85 izan». Afora eta Pesa euskal enpresak ere kontutan hartu nahi ditu Jaurilaritzak.

Dena den, Madril en egindako bileran bi planteamenduen artean dauden «puntu amankomunak» aztertu zituzten. Azuak adierazi zuenez, puntu amankomunak bi dira nagusiak: batetik, azken urteetan izan diren birmoldapen legerik ez dela izango oraingoan; eta bestetik, Madrilek sektore mailako berregituraketa baztertu du baina proposatzen duen enpresaz enpresako ajustea egiteko «sektorearen ikuspegi orokorra» beharrezkoa dela. Azuak gaineratu zuen Sidenor bideragarri bihurtzeko jarriko liratekeen bitarteko publikoak gainontzekoek ere erabili ahal izango lituzketela.

EAEko industriak gaur egun bizi duen egoera definitzerako orduan, lehendakariordeak «etengabeko ajuste momentua» dela adierazi zuen. «Industria merkatu berrian konpetitiboa izateko moldatzen ari da eta horrek lehendik datozen arazoak konpontzeko neurri gogorrak eskatzen ditu» aipatu zuen.

Redondo: «Madrilen jokaerak erabakiko du greba egin ala ez»

M.A. / BILBO

Nicolas Redondo UGT sindikatuko idazkari nagusia EAEko ordezkariarekin egiten ari den bileren artean, atzo Bilbon izan zen eta Kantauri aldean desindustrializazioaren aurka egin daitekeen greba orokorra «Madrileko Gobernuak hartuko duen jarreraren menpe» dagoela adierazi zuen. «Aurrera eramane nahi duten politikak sare eta anestesiarik gabeko birmoldaketa» dela gaineratu zuen UGTko idazkariak.

Redondoren esanetan, «Madrilek ez du bete 1984eko industri birmoldaketan agindu zuena, hau da, era berean politika industrializatzailea aurrera eramatea». Horregatik, egungo egoerak «negoiazioa» eskatzen duela uste du UGTko kideak.

Acenorreko langileen mobilizazioak eta Laudioko manifestazioa izango dira gaur

J.A. / DONOSTIA

Acenorrek Euskal Herrian dituen bost lantegietako langileek txandako lau orduko greba egingo dituzte gaur. Grabaldiarekin batera izango diren mobilizazioen artean errepide eta trenbide mozketak egingo dituztela espero da, aurreko mobilizazioetan gertatu zen bezala. Protesta ekintza hauek Sidenorrek altzairu berezien euskal enpresan ezarri nahi duen Bideragarritasun Plangintzari aurka egitea eta enpresako komenioaren negoziazioan inolako aurrerapausurik ez lortzea dira mobilizazio hauen arrazoiak.

Gasteiz, Laudio, Hernani, Basauri eta Larrondoko lantegietako langileek asanbladak egin zituzten atzo seindikatuek gaurko deitutako mobilizazioak berresteko. Langileek salatu egin zuten Eusko Jaurilaritzako Barne Saila mobilizazio hauek leuntzeko egindako ahaleginengatik, «lanpostua galduko duten langi-

leek protesta egiteko daukaten modu bakarra mobilizatzea» dela adieraziz. Halaber, Laudio eta Hernani ixtea eta ia 1.800 langile kaleratzea aurrirakusten dituen estrategi plangintzaren aurkako jarrerari eutsiko zioten.

Acenor eta Cantabriako Foarsa biltzen dituen Sidenor holdingeko zuzendaritza eta sindikatuen arteko negoziazio mahaiaren bostgarren bilera izan zen herenegun, inolako emaitzarik gabe bukatu zelarik. Hala ere, seigarren bilerarik ere izango omen da, Sidenorrek bilerekin jarraitzeko asmoa agertu bait zien ELA, LAB, UGT eta CCOO sindikatuei.

Sindikatuak eta Sidenorreko zuzendaritzaren arteko desadostasunak direla medio ez dirudi, hala ere, Sidenorren Plana atzera botako dutenik, batez ere EAE eta Espainiako administrazioen arteko 'Industria Gailurraren' ostan. Goi bilera horretan Claudio Aranzadi Madrileko



Aurreko manifestazioa Hernanin. C.V.

Industria ministroak uko egin zion Sidenorren planaren ordezkia izan litekeen Jaurilaritzaren proposame-

nari, «negoiazio sektorialik» ez zela egingo baieztatzean.

LANGILE MANIFESTAZIOA LAUDION

Acenorreko lan guztiaz gainera manifestazioa izango da gaur Laudio, Plangintzaren ondorioz itxiko diren Acenorren bi lantegietako bat kokaturik dagoen herrian hain zuzen. Lehenago Durango, Barakaldo, Errreterria eta Basauri eskualdeetan egin diren moduan, Aialako herri honetan ere industria krisiaren aurka eta berrindustrializazioa zein lanpostuen iraupearen alde manifestatuko dira langileak gaur arratsaldeko sei terdietan.

Laudioko kaleak zeharkatuko dituen manifestazio honetara sindikatu guztiek dei egin dute eta alderdi politikoek ere bultzatu dute. Zentzu honetan eta aurreko manifestazioetan gertatu den moduan, euskal sindikatu, alderdi eta euskal erakundeetako partaideak bertan izango direla espero da.